

1273

D O G M A T I C I.

1274

rant — corrupta sunt. &c. Itaque restauranda Consecrationibus, quarum Formulae superstitiosae una cum virtutibus Lapidum pretiosorum plus quam anilem credulitatem poscentibus sequuntur. Diversum ab *Evacis* Regis et *Marbodi*

*Non confert ulla regnum celeste gugulla. (Cucullus).*

*Ni mens sit pura, non prodest Regula dura.*

*Ante deum testis mens est, non aspera uestis.*

et centum similia de omni argumento.

VII. fol. 85. Extrema Libelli de *Pulsibus*, et continuo. *Incipit liber urinarum theophili episcopi.* Ita libenter ad magnas dignitates promovebant Librarii. Alii Monachum, alii Protospatharium fecere, alii *Philothaum*, etiam *Philaretum* dixere graecum Sec. VII. Scriptorem, de cujus Opusculis tam *ms.* quam editis utraque lingua agit *Hallerus Biblioth. Medic. pract. T. I. p. 307.* Noster init: *De urinarum differentia negotium multi ueterum medicorum aggressi sunt scribere. Quorum primus omnium yprocrates chous &c.* unde non bene putavit *Hallerus*, *Versionem*, quae legitur in *Articella Venet. 1483. et 1493. f. impressa*, ad *Ponticum Virunium* pertinere; est enim nostra, proptereaque Philologo illo *Belunensi*, qui primum post Sec. XV. medium lucem adspexit, multo vetustior.

Ep. iisque, quae in *Hist. Typogr. Vien. p. 55. et 311.* recensui, Opusculum.

VI. fol. 83. p. 2. Resumuntur Sententiae et Adagia versiculis conclusa v. g.

DLXIV.

Codex membranaceus lat. Sec. R. 3039  
XIV. Folior. 334. f. per duas columnas nitide, sed minutius, crebrisque compendiis exaratus, coloribus illustratus, et multis marginum notulis adpersus fuit primum *Monasterij sancte Dorothee in Vienna* et inscribitur: *Incipit summa uiri uenerabilis magistri Guilielmi altiodorensis. Lege Altissiodorensis*, ut habetur etiam ad calcem. Quatuor Libris mole imparibus constat Opus, quorum I. de Deo. II. de Mundo. III. de Reparatione Generis humani. IV. de Sacramentis pertractat. Initium primi est: *Sicut dicit apostolus. fides est substantia rerum sperandarum &c.* Extremum ultimi: *Illa gaudia nobis prestare dignetur Iesus christus dominus noster. Qui cum patre &c.* Adjacet mihi Editio *Parisina* apud *Franc. Regnault f. a. f. min.* in cujus fronte Noster audit *sacer Presul*, confusione fortasse cum Episcopo *Guilermo Autissiodorensi συγγεγραμ*, qui dein ad *Parisinam* sedem translatus est. Illum ultra Archidiaconatum *Bellovacen-*

*vacensem* non putem eluctatum, et defunctum *Romae* a. 1230. tradit *Albericus* in *Chron.* p. 538. cum elogio. Alii Literatores mire silent de Viro cum *Petro Lombardo* doctrinae profunditate et soliditate comparando.

## DLXV.

R. 923 Codex membranaceus lat. Sec. XIV. Folior. nunc 178. f. per duas columnas nitidissime licet multis vocum compendiis exaratus, colore rubro viridique varius, et quondam Collegii S. J. *Viennae* ita praescribitur: *Incipit summa magistri Gillelmi altissiodorensis.* Corpus hoc theologicum *Libros IV, Sententiarum Petri Lombardi* sequens incipit: *Fides est substantia rerum sperandarum, argumentum non apparentium. Sicut enim vera dilectione diligitur deus propter seipsum &c.* Objacet mihi ejus Editio *Parisiensis*, ut ad Codicem praecedentem jam commemoravi, e qua comperio, deperisse e Codice nostro Membranas a *Libri III. Tract. ult. Capituli de Judiciis* verbis: *Solutio. Non est simile propter duas causas. Una est —* De Autore ulterius monendum, confundi eum a *Miraeo, Oudino, Caveo* cum *Guilhelmo de Spelmiaco, Seligniaco, Scilligniaco, Galliae christ.* Autoribus *Sigilliaco* (Seignelay?) qui a. 1207. creatus Episcopus *Autissiodorensis*, et a. 1220. ad *Parisiensem* sedem traductus obiit a. 1223. ut videre est *Galliae christ.* T. XII. col. 300. et VII. col. 90. Nihil is scripsit.

Noster vero *Guilelmus*, ut jam dixi, ultra Archidiaconatum *Bellovacensem* eluctatus non videtur. Optime rem expedivit *Fabricius* *Bibl. med. Lat.* L. VII. edit. *Mans.* p. 139. *Caveus* duplici titulo *Commentarii in 4. Libros Sententiarum, et Summae Theologicae* deceptus credi potest; de uno enim eodemque Libro agi suadet Editio, quam adfert, *Parisiensis* 1500. f. Vide *Vol. II. Basil.* 1745. p. 281. f. Alterius quoque *Guillemi*, seu *Wilbelmi Summa* supra Cod. DLXIII. occurrit.

## DLXVI.

Codex membranaceus lat. Sec. R. 3144 XIII. sed a fol. 121. tardius subpletus, Folior. 151. 8. nitide scriptus, rubricis distinctus et olim *Fratrum Cartusien. prope Pragam*, inscribitur *Wilhelmus de fide et legibus.* Est is alias *Guilelmus Arvernus* Ep. *Parisiensis* ab a. 1228. ad a. 1249. cujus *Opera omnia Parisiis II. Tomis* impressa extant a. 1674. f. Ibi chorum ducit *Tractatus* noster, quem e collatione in Codice nostro integrum reperimus. Prologus incipit: *In ordine sapientialium divinaliumque scientiarum istam divini cultus vereque religionis scientiam &c.* Lectio cum Editis bene conspirat. Transfiliit tamen Librarius mox sub principium totam *περικοπήν: Manifestum est huius — felicitatem eternam*, ubi observo, lapsum Scriptoribus familiarem, quando binae *περικοπαι* iisdem vocibus terminantur, alteram transcurrere, uti